

Ukiakhami Influenza-qnaittumik Kapurhiqniqmut Naunaitkutaq

(IM-mut kapurhiqnahualiqqat)



Hunaukmat Influenza?

Influenza (flu) hiamitirutaayuq aaniarut pipkaiyuq influenza-mit, hiamitiqpaqtuq qalakhuraangat, takyuraangat, qingat kuviinaliraangat. Naunaittuq ukuninnga piliruvit: kitjakkuvit, niriumahiruvit, aaniqnilaiguvit, iggiarliruvit unaguhuinnaaliruvit . Influenza-qpaqtut Nuvaipamit May-mit, kihimi, ingattaryuumiqpaqtuq Januarymi February-miluuniit.

Huuq kapurhiqtukhauyutit influenza-qnaittumik?

Influenza-qnaittumik kapurhiruvit aaniaqnairaqni influenza-qnaittumik hiamitiqnaittumik influenza atlanut. Influenza aaniurutit atlanuinaqtut. Talvuuna, influenza kapurhiqniit nutaanguqtitaavaktut ukiuq tamaat atauhiqmilu kapurhiqyauliqtut .

Santi-nik malrukniq havaktinnagu aaniaqnaittumik kapurhiruraangat. Influenza-qnaittumik kapurhiqniq nakuuyuq atauhiqmi ukiumi.

Kitkut kapurhiqtukhaugaluat influenza-qnaittumik?

Kitkutliqaak 6nik tatqirhiutinik ukiuqaqtut kapurhiqtukhaugaluat influenza-qnaittumik.

Piqaqtuq malruuk atlatqiinguyut havautit atuqtayut Nunavunmi uumani ukiumi.

- Nutaqqat ukiuqaqtut 2, 3, 4niklu tuniyauniaqtut influenza-qnaittumik havautikhanganik tuniyayuq qingakkut. Takulugu atlami naunaitkutanga titiraq naunairyuumirumaguvit uumuuna havaut, taiyayuqu FluMist®.
- Atlattauq tuniyauniaqtuq hiamititaunngittumik piyuq influenza havaut kapurhiqtauluni taimaa ittuugaluaq qangaraluk. Unalu piyut nutaqqannuanut 6nik tatqirhiutinik ukiulgit 2nik ukiuqanguqtinnagitlu kitkunnutlu 5nik ukiulgit angayukhiuguvilluuniit.

Amihut inuit atauhiinaqmik influenza-qnaittumik havautituqtukhauyut kapurhiqtaulutikluuniit atauhiqmi ukiumi. Kihimi, nutaqqat 9nguqtinnagit havautituqtitaayut kapurhiqtauyut influenza-qnaittumik hivulliqpaami malrukniq pipkaiyukhauyut, tuglia pilugu 4nik Santi-nik qaangiqaqt, aaniaqnaittumik.

Influenza-qnaittumik havautingit tuniqhaiyukhat atlanik havautituqnahualiruvit, hapkuatlu namuunaqnaittumik havautitrahualiruvit.

Kitkut uqaqatigiyakharaluangit munarhitkut angmaqhimaittunik influenza-qnaittumik havautituqtinnagit?

Ilangit inuit **HAVAUTITUQTUKHAUNNGITTUT**. Uqatjavutit munarhinut hapkuninnga piqaruvit, ikayurniaqqaahi kapurhiraqniluuniit havautituqtipkaigiarniluuniit;

- Timitit taimaittuqtulimaitpiaqqat havautituqtamiknik kitunitliqaak aaniaqtailirutinit. (ukunaniklu an'ngahukpat, mihiknarhikpat hatqat, iggiatlu mikhikpailiqtutut piliqqat, anirhaagiarni ayurhaliruvit iihigiqniluuniit).
- Maniktulimaitkuvit. Inuit manninik nirilimaitpata havautituqtukhaunngittut kapurhiqtukhaunngittut.
- Timit taimaittuqtulimaitpiaqqat havautilihaaravit kapurhilihaaruvitlu influenza-qnaittumik.
- Guillain-Barre Aaniarut (GBS- akhuurutaayuq nukikmut ingutaaqtailitjut aaniarut) 8ni Santi-nik influenza-qnaittumik kapurhiruvit.
- Ukuninnga pilimaitkuvit thimerosal-mik, formaldehyde-mik piqaqtunikluuniit havautimi ittunik kapurhiutimiluuniit.

Inuit kitjavyakhimayut kitjakyuaqhimayutluuniit uqaqiyukhaugaluat naamakhittiqlutik taafuminnga influenza-qnaittumik havautituqtinnagit kapurhiqtinnagit. Inuit kitjavyakhimayut influenza-qnaittumik havautituqtaaqut kapurhiqtaaqut.

Hunauvat aaniarutauvat angmaqhimaittunik influenza-qnaittumik kapurhiqniq?

Influenza hiamititaunngittumik havautinga qayaknaittuq influenza-qnaittuqlu piqangitmat aaniarutmik. Tamna iluani-nukitit havautituqniq kapurhiqniqlu ulurianaqhiniaqtuq kapurhiqniit qaffiuyuni ubluni ulurianaqniaqtuq inirininut. Unalu, havautinga humaangittuq aaniannngittunut nutaqqanut mikiumik mihiginiqtaqt kapurhiqningani. Atlat mihiginiqtaqt kitjaklutik, aanirnilaquiniaqtut unaguhuklunilu .

Humit piniaqqinga naunairyuumirumaguma?

Naunairyuumirumaguvit influenza-qnaittumik kapurhiutingagut uqaqatigitjavat aaniarvikmut munarhitkunnutluuniit.